

延之真書府也此出葉寘筆衡所載宛委餘編按本草鯨鯢魚有毒不可食之其肝毒殺人中此毒卽剉蘆根煮汁解之此卽河豚也陳藏器又云味甘溫無毒補虛去濕氣理腰脚去痔疾殺蟲與本草所載微異不知卽一種耶抑二種也

內則云狼去腸狸去正脊兔去尾狐去首豚去腦魚去乙鱉去醜鄭氏注云皆爲不利人也乙魚體中害人者東海鯨魚有骨名乙在目旁狀如篆乙食之鯨人不可出爾雅云魚枕謂之丁魚腸謂之乙魚尾謂

之丙鄭玄謂乙爲魚骨爾雅則以爲魚腸皆以其如篆書字之狀也若以狼去腸推之則魚之乙非腸乃魚骨也

汲冢周書云海陽巨蟹其殼專草山海經云姑射國大蟹在海中郭璞注蓋千里之蟹也又云女丑有大蟹郭璞注廣千里也周禮庖人共祭祀之好羞鄭康成注好羞謂四時膳食若荊州之鱣魚揚州之鱈胥陸德明音釋云蟹醬也淮南子云漆見蟹而不乾玄中記云天下之大物有北海蟹焉舉一螯加於山身

故在水中又云山精如人。一足長三四尺。食山蟹洞。冥記云善苑國嘗貢一蟹長九尺。有百足四螯。因名百足蟹。煮其殼謂之螯膠。勝於鳳喙之膠。西陽雜俎云平原郡貢糖蟹。採於河間界。每年生貢。斷水光照。懸老犬肉。蟹覺老犬肉。卽浮。因取之一枚。直百金。以羶密束於驛馬。馳至京。又云蝥蜂大者長尺餘。兩螯至強。八月能與虎鬪。虎不如。隨大潮退。殼一退一長。又云蟹腹下有毛。殺人。又引伊尹書有蟹蝥。晉書太康四年。會稽彭蠡及蟹。皆化鼠。甚衆。復大食。稻爲災。

廣雅云蟹雄曰蝦。雌曰博帶。北戶錄云儋州出紅蟹。大小殼上作十二點。深臙脂色。其殼與虎蟹堪作疊子。廣志云鋪小蟹大如貨錢。又蟹奴如榆莢。在其腹中。生死不相離。遼志云渤海螭蟹紅色。大如椀。螯大而厚。其跪如中國蟹。螯清異。錄云煬帝幸江都。吳中貢糟蟹。糖蟹。每進御。則旋潔拭殼面。以鏤金龍鳳花貼上。又姑蘇志云出大湖。而色黃。殼軟曰湖蟹。冬月益肥美。謂之十月雄。出吳江。汾湖者曰紫鬚蟹。出崑山。蔚洲者曰蔚遲蟹。又有江蟹黃蟹。又稻秋蟹。食

既足腹芒朝江爲樂蟹又呂亢守台州命工作蟹圖  
凡十二種一曰蝟蚌二曰撥棹三曰擁劍四曰彭蠡  
五曰竭朴六曰沙狗七曰望潮八曰倚望九曰石蜆  
十曰虾江十一曰蘆虎十二曰彭蜺皆怪山蟹譜所  
遺

蝟有四足者見本草有冠者見摠朴子有飛者見荀  
卿子有獸首者見大荒經有人面者見江湖紀聞有  
一身兩首者見管子有岐尾者見廣志有鈎尾者尾  
長取人見郡國志有高尾者有楸形者有杵形者見

本草有五色者見水經有如孔雀珠色金翠奪目者  
有紅色如血者見北戶錄

蛇兩頭者嶺外多有如小指大者長尺餘腹下鱗紅  
背錦文一頭有口眼一頭無口眼云兩頭俱進退謬  
也昔孫叔敖云見之不祥殺而埋之恐他人見復受  
其禍南人見之如常其禍安在見嶺表錄異兩頭蛇  
一名越王約髮俗占見之不祥見異苑兩頭蛇無毒  
夷人餌之見南越志紀僧真遭母喪開冢得五色兩  
頭蛇見南史

顏舍媿病須。蚺蛇膽不能得。含憂歎累日。有一童子持青囊授。含視之。乃蛇膽也。童子化爲青鳥飛去。見中興書。交阯山多大蛇。名曰蚺蛇。長十丈。圍七八尺。常在樹上。伺鹿獸。過便低頭繞之。有頃鹿死。先濡鹿令濕。便吞頭角骨。皆鑽皮出。山夷始見。蛇不動。時便以大竹箠箠蛇頭。至尾殺而食之。以爲珍異。見水經。蚺惟大蛇。旣洪且長。采色駁犖。其文錦章。食灰吞鹿腹。成養創實。享嘉宴。是豆是觴。見楊氏南裔異物志。泉建州進蚺蛇膽。五月五日取膽時。兩柱相去五六

尺。繫蛇頭尾以杖於腹下來。去扣之。膽卽聚。以刀割取藥。封放之。不死復更取看。肋下有痕。卽放。見僉載。蚺蛇膽上旬近頭。中旬在心。下旬近尾。見酉陽雜俎。膽大若鴨子。初取之。復納肝腹中。以線縫合。創口蛇亦復活。昇歸放於川澤。其膽暴乾。以充土貢。或云蛇被取膽。它日見捕者。則遠遠側身露腹。創明已無膽。以此自脫。見嶺表錄異。蚺蛇牙長六七寸。土人尤重之。云辟不祥。利遠行。賣一枚。直牛數頭。見括地志。蚺蛇肉食之。辟蠱毒。見證俗音。其膏俗傳不利人。其皮

可輓鼓見北戶錄其脂著人骨輒軟又能萎陽終身  
不舉見埤雅

荀子蠶賦曰此夫身女好而頭馬首者歟今蠶頭實  
似馬而卿乃云爾則蠶爲馬類古有其傳矣周禮禁  
原蠶爲妨馬也今術家末僵蠶塗傳馬輒不能嚙草  
則蠶馬同類信矣

杖名扶老鳥亦名扶老蟲名寄生軍裝亦名寄生  
名晨風鳥亦名晨風木名長卿蟛蜞亦字長卿琵琶  
有大水忽雷馬有忽雷駁鱷魚亦名忽雷

卷之十終